



HT





*John Carter Brown.*








Henri Jeanne Souffran







# L'ARRIVEE

DES PERES CAPVCINS,  
& la conuersion des Sauuages à  
nostre sainte foy. Declaree par  
le R. P. CLAUDE D'ABBEVILLE  
Predicateur Capuçin.



A PARIS,  
chez JEAN NIGAVT ruë S. Iean  
de Latran à l'Alde.  
M.D.C.XIII.  
*Avec Permission.*

# LARIVÉ


DES PÈRES CAPUCINS

de la Province de Saint-Jean

de la Compagnie de Jésus

et de la Société de la Sainte Trinité

de la Ville de Québec



A PARIS

chez Jean NEAUME Libraire

de la rue de la Harpe

N° 211

MDCCXXIII





# L'ARRIVEE DES PERES

Capucins, & la cōversion des Sauua-  
ges à nostre sainte foy. Declaree

par le R. P. Claude d'Abbe-  
uille Predaciteur Capucin.

ON trescher & bien  
aymé frere Dieu vous  
donne sa paix.

**M** Pour autant que  
monieur de Rasilly  
s'en retourne en Frâ-  
ce dans quelque tēps  
pour nous amener du

nouveau secours, c'est la cause pourquoy  
ie differay à vous escrire pour lors plus  
amplemēt tout le succès de nostre voya-  
ge tāt ce que no<sup>9</sup> auōs veu sur la mer, que  
ce que nous auōs trouué sur la terre de ce  
pays & monde nouveau: le me contente-  
ray pour le present de vous mander bien

Aij



à la haste par ceste commodité qui se presente. Que le Lundy de Pasque, nous partismes de Plume en Angleterre où nous estions relaschez à cause du mauuais temps, comme ie vous manday de là, ie croy que vous aurez receu mes lettres. Estans partis de Plume nous fusmes secondez d'un vent si fauorable qu'en peu de temps il nous fit passer le Canal de Canarie. Nous passâmes le cap de Bef-doir, costoyant tousjours les costes de Barbarie iusques à ce que nous trouuâmes le cap blâc, Dieu nous fauorisant tant que de passer la ligne Equinoctiale, qui est d'un accès tant difficile, que nous ne pensions pas la passer à si bon marché veu la saison où nous estions. Ayant passé la ligne, nous arriuâmes à Fernâd de la Roque qui est vne petite isle de cinq à six lieues de tour, toutes les proprietes de laquelle ie vous escriray (Dieu aydât) à la premiere commodité, c'est vn vray petit Paradis terrestre. Seulement ie vous diray que nous trouuâmes en ce lieu dixsept ou dixhuit Indiens Sauvages avec vn Portugais, lesquels estoient tous esclaves, & releguez en ceste isle par ceux de Fernambourg, vne partie desquels nous baptizâmes, apres auoir planté la croix en



ceste isle au milieu d'une Chappelle, que nous disposâmes pour y dire la S. messe apres que nous eûmes beny le lieu, où nous demeurâmes quinze iours, nous mariaâmes deux de ces Sauvages apres les auoir baptisez, l'autre partie nous ne les voulûmes pas baptizer en ce lieu: mais trouuâmes bon de différer le baptême iusques à ce que nous fussions arriuez au lieu que nous pretendions. Si bien que nous deliurâmes tous ces Sauvages, & d'esclaves qu'ils estoient les auons rédus libres à leur grand contentement. Nous les auons amenez avec nous, avec force cotton, & autres marchandises qu'ils auoient. De Fernand de la roque nous auons continué nostre chemin & sommes venus au cap de la Tortue au pays des Canibals, où Eusebe dit en son histoire que S. Mathieu Apôstre a passé, apres auoir esté 15. iours au cap de la Tortue, nous fîmes voile & arriuâmes en l'isle de Maragnan le iour de la glorieuse sainte Anne mere de la sacree Vierge Marie, de quoy ie m'esjouys infiniment de ce qu'en ce iour que j'ayme tant nous eûmes ce conheur que d'arriuer en nostre lieu tant desiré. Le Dimanche ensuiuant, nous mîmes tous pieds à terre,



& en chantant le *Te Deum laudamus*, l'eau beniste faicte, le *Veni Creator*, les *Letanies de nostre Dame* estans chantez. Nous allasmes en procession depuis le lieu de nostre descente iusques au lieu que nous auions designé pour y planter la Croix, laquelle estoit portee par m<sup>o</sup>sieur de Rasilly & tous les principaux de nostre compagnie: Puis l'Islette estant beniste, fut appelée par le sieur de Rasilly & de la Rauardiere l'islette saincte Anne, parce que nous y esti<sup>o</sup>s arriuez ce iour là, à cause de madame la comtesse de Soissons qui se nomme Anne laquelle est parente de m<sup>o</sup>sieur de Rasilly. La place donc estant beniste, la Croix y estant plantée, il fut enterré au pied d'icelle vn pauvre h<sup>o</sup>me de nostre c<sup>o</sup>pagnie qui mourut, lequel estoit T<sup>o</sup>nelier de son estat. Ceste action estant faite (au grand contentement d'vn chacun) nous partismes de cette islette pour aller en la grande isle de Maragnan, habitee des Sauvages, qui sont les pierres precieuses que nous cerchions, où estans par la grace de Dieu arriuez en b<sup>o</sup>ne disposition & santé, estans reuestus de nos habits de serge grize assez fine à cause des chaleurs de cette Zone torride, & reuestus par



dessus nos habits chacun d'un beau sur-  
plis blanc, & portans en la main nos bastons  
& la croix au dessus où sont nos Crucifix,  
nous descendîmes tous de nostre vaisseau  
dans un canot qui est vne sorte de bateau  
que font les Indiens, tout d'une piece,  
où estans, tous ces Sauvages qui estoient  
sur le bord de la mer avec monsieur de Ra-  
silly, & beaucoup de François, tant de no-  
stre équipage que de celui de monsieur de  
Manoir & du Capitaine Gerard, aussi François,  
que nous auons trouuez icy. Beau-  
coup de ces Sauvage se jetterent en nage  
dès la mer, pour venir au deuant de nous: Et  
ainsi conduits de cette armee, passâmes le  
pied à terre, où le sieur de Rasilly s'estant  
mis à genoux avec tous les François pour  
nous recevoir (qui estoit vne espee d'hon-  
neur non accoustumée) nous estans entre-  
braslez & baisez pour salutatio, j'eus le bon-  
heur d'entonner le *Te Deum laudamus*, selon  
le chant de l'Eglise, que nous poursuui-  
mes allés en procession avec tous les François  
pleurans de ioye & d'allegresse estés  
suiuis des Indiens. Et ainsi prîmes posses-  
sion de ceste terre & monde nouveau  
pour Iesus Christ, & en son nom, espé-  
râmes de benir la place, & d'y planter la Croix,



vn de ces iours que nous auons differé à  
 deſſein. Je laiſſe toutes les autres particula  
 ritez quâd ie vous eſcriray plus amplemēt  
 de la ſuite de noſtre voyage. Seulement ie  
 vous diray encors en paſſant. Quelc Di  
 manche 12. iour d'Aouſt, iour de ſain  
 te Claire, nous celebraſmes tous quatre la  
 premiere Meſſe en ce païs. C'eſtoit bien la  
 raiſon que le iour d'vne ſaincte Vierge de  
 noſtre ordre, laquelle a apporté vne nou  
 uelle lumiere au monde, fut ordonné de  
 Dieu pour faire paroître vne lumiere  
 nouuelle (à ſçauoir la lumiere de ſon  
 ſainct Euangile) en ce monde nouueau.  
 Et ie ne puis vous dire maintenant le  
 grand contentement que ces pauvres  
 Sauuages ont receu de noſtre venuë.  
 C'eſt vn peuple tout acquis & gaigné.  
 Peuple grand à la verité qui nous ayme  
 & affectionne infiniment, ils nous appel  
 lent les grands Prophetes de Dieu & de  
 Ioupan, & en leur langage matyrata pays  
 Carraybais. L'on nous a apporté de bon  
 nes nouuelles depuis que nous ſommes  
 icy. A ſçauoir que ceux de Para qui eſt vn  
 autre peuple voiſin des Amazones d'vn  
 coſté, & de l'autre coſté voiſin de cettuy  
 cy, où il y a cent mille hommes ſeulement,  
 leſquels



esquels nous desirerent extrêmement &  
 nous veulent auoir pour les instruire, Si  
 bien que ie vous diray en vn mot que *Mes-*  
*sis multa, operarij autem pauci*, la moisson est  
 grande mais nous sommes trop peu d'ou-  
 riers. Cela est vray que, *Regiones albescent*  
*ab messum* ces régions icy blanchissent pour  
 le besoin qu'elles ont de la moisson, & que  
 le temps est venu que Dieu veut estre icy  
 adoré & recogneu. Je ne puis vous en dire  
 maintenant d'auantage, ce sera pour le re-  
 tour de M<sup>r</sup> de Rasilly que ie vous mande-  
 ray d'autres choses en particulier. Au reste  
 iamaïs ie ne me portay mieux qu'à present  
 graces à Dieu, ne beuuât que de l'eau. Si  
 en France il m'eust fallu faire la milliesme  
 partie de ce qu'il faut faire icy ie pense  
 que mille fois ie serois mort, en quoy ie re-  
 cognois que *non in solò pane viuit homo*, l'hom-  
 me ne vit pas seulement de pain. Il faut  
 que les delicats de France viennent icy. Je  
 loue Dieu de ce que ie ne fus iamaïs mala-  
 de sur la mer du mal ordinaire de mer au  
 grand estonnement d'vn chascun, seule-  
 ment venât au pays des chaleurs; lors que  
 nous estions iustement soubs le Tropique  
 de Cancer, le soleil montant alors, i'eus  
 deux ou trois petits accez de fiebres qui



0-7

se passerent aussi tost Dieu mercy. Je laisse  
le reste pour vn autre temps, le temps &  
les affaires me pressent. Que cette lettre  
serue pour vous, pour mon Frere, & pour  
tous ceux ausquels ie deurois rescrire en  
particulier. Priez Dieu pour moy, s'il vous  
plaist & pour toute nostre compagnie, &  
faictes prier tant que vous pourrez, car ia-  
mais nous neusmes tant besoing des gra-  
ces de Dieu (sans lesquelles nous ne pou-  
uons rien) que maintenant. Ce que si vous  
faites, ie seray plus que iamais.

*Mon bien-aymé Frere.*

*En haste, De Maraguon, au Brezil  
le 20. iour d'Aoust, 1612.*

*Vostre petit Frere, & seruiteur en  
Nostre Seigneur,*

*Frere Claude d'Abbeuille, Capucin indi-  
gne & Indien pour le present.*



**SOMMAIRE RELATION DE**  
*quelques autres choses plus particulieres qui*  
*ont esté dictes de bouche aux Peres Capu-*  
*cins par Monsieur de Manoir.*



**M**ONSIEUR de Ma-  
 noir (qui est vn de ces  
 Capitaines desquels il  
 est parlé en la lettre  
 precedēte, qu'ils trou-  
 uerent en ce pays-là  
 avec le Capitaine Ge-

rard) estāt reuenu en France ces iours der-  
 niers & leur ayant luy mesme apporté la  
 susdicte lettre avec plusieurs autres (quel-  
 ques vnes desquelles nous auōs bien vou-  
 lu mettre icy : à ce que les merueilleuses  
 œuvres de Dieu desquelles ces lettres font  
 foy, ne soient enseuelies dans le tombeau  
 d'oubly ains qu'elles soient mises au iour à  
 ce que les hōmes ayant subiect de louer la  
 sagesse & bonté du Createur, leur à dit de  
 bouche plusieurs particularitez de leurs  
 Peres qui ne sont pas contenues dans la  
 susdicte lettre, ny dedans les suiuanes. Il  
 dict donc que les Peres estans arriuez en  
 le pays. Ils commencerent à planter leur  
 pavillon faisant vne maniere de chappel-



le pour y dire la Messe, & quelques petites cellules pour se loger, à quoy faire ces pauvres Sauvages leur aydoient eux mesmes avec des toilles & rameaux d'arbres. Ce qu'estant acheué, vn iour comme vn Pere disoit la Messe, voicy venir vn de ces fauages des plus anciens (qu'ils tiennent comme leurs gouuerneurs, les honorant & respectant à cause de la vieillesse) lequel en amena trête autres avecque luy pour entendre la Messe, ce qu'ils firent, & ce avec vn grandissime estonnement, & admiration voyant tant de si belles ceremonies, & de si beaux ornemens qu'ils n'auoient accoustumé de voir (car ils vont tous nuds tant hommes que femmes) Or quād le Prestre approcha de la Consecration comme vers l'Offertoire, ils tirerent vn rideau qui estoit entre le Prestre & le peuple, de sorte que ces pauvres gens ne pouuoient plus voir le Prestre, ny ce qu'il faisoit la derriere, ce qui les scandaliza fort de ce qu'on leur auoit fait vn tel affront Qui fut cause qu'apres la Messe ils allerent trouuer les Peres, leur demandant la cause pourquoy ils leur auoient ainsi fait ce affront, A quoy les Peres respondirēt que ce qu'ils en auoient fait n'estoit pas pour les brauer, mais que c'estoit pour ce qu'il



estoyent encores Payens & que par conse- 321  
quent ils ne pouuoient pas celebrer la  
Messe en leur presence, leur estant ainsi  
enoinct de l'Eglise, ce qu'entendant ils  
s'appaiserent & le rendirēt fort capables:  
Puis s'en retournerent racontant le tout à  
leurs femmes, lesquelles desireuses de  
voir ces grands Prophetes de Dieu & de  
Toupan, s'assemblerēt grand nōbre pour  
les venir veoir, mais les Peres ne leur vou-  
lans ouurir la porte de leur petite cabane,  
à cause qu'elles estoient toutes nuës, elles  
n'eurent pas la patiēce du second refus, car  
rompant la porte (qui n'estoit pas difficile  
à rompre) elles entrerent dedans & regar-  
dant & contemplant ces Prophetes, elles  
ne se pouuoient souler de les regarder, y e-  
stans toutesfois vn peu trop lōg temps, les  
Peres les prierent de se retirer, ce qu'elles  
firent. Apres ceste visite ces Anciens viel-  
lars desquels nous auons parlé, s'assemble-  
rent grande multitude pour auoir entre  
eux quelque present ils deuoiēt faire à ces  
Prophetes en signe de biē-vueillāce, & de  
resiouyssance de leur arriuée. Ils voulutēt  
finalement qu'attendu qu'ils couchoient  
sur la dure, qu'il leur falloit faire present  
d'vn mattelas de cotton pour chascun (car  
le cotton croist en ce pays) avec chascun



147 vne des plus belles filles, Qui est vn des  
 plus grands presens qu'ils ayent coustume  
 de faire: Ayans donc aporté quatre mate-  
 lats, & amené quatre belles filles, ils les of-  
 frirent aux Peres. Mais les bons Peres se  
 ryans de cela: ils accepterent fort volon-  
 tiers leurs matelats, leur rendant leurs fil-  
 les avec vn remerciement. Ce qui estonna  
 fort ces sauuages, disans les vns aux autres.  
 Quoy ces Prophetes cy ne sont-ils pas  
 hommes comme nous. Pourquoi donc  
 n'acceptent ils ces filles estant chose im-  
 possible qu'un homme s'en puisse passer?  
 Pourquoi nous font-ils vn tel affrôt: Mais  
 nos Peres prenans la parolle, ils respondi-  
 rēt que ce n'estoit pas qu'ils reprouuassent  
 le mariage, quand il estoit selon les loix  
 de Dieu, tant s'en faut qu'il les louioient,  
 mais que Dieu leur ayant octroyé des gra-  
 ces plus particulieres qu'aux autres hom-  
 mes à cause qu'ils le seruēt plus parfaicte-  
 ment, ils pouuoient facilement par le mo-  
 yen d'icelles graces, se passer de l'usage des  
 femmes. Ce qu'ayans ouy ces pauures gēs,  
 ils demurerent tous estonnez, & comme  
 hors d'eux-mesme, admirant la saincteté  
 de ces Prophetes, & de la en auant ils les  
 ont eu en plus grāde veneration, s'estimās  
 bien-heureux de leur donner leurs enfans



à ce qu'ils les baptizēt & instruisent en nostre sainte Foy, ainsi qu'il se pourra voir par la lettre suyuantē que lesdits Peres ont escrites à vn honorable Marchād de Roüe nommé monsieur Fermanet, qui est vn de leurs grands bien-faicteurs; laquelle nous auons bien voulu mettre icy à ce que l'on voye que nous n'y mettons rien du nostre, ains purement & simplement, le mettons selon que l'auōs leu ēs lettres, & entendu de personnes dignes de foy qui les ont veuēs nous mettōs aussi ceste lettre pour ce qu'il y a dans icelle des particularitez qui ne sont point aux autres. La lettre est celle qui suit.

---

LETTRE QUE LES PERES CAPUCINS ont escrit à Monsieur Fermanet.

**M**ONSIEUR Dieu vous donne sa sainte paix. Apres tant de coniurations que vous nous fistes à nostre departement de vous rescrire, Nous nous fusions sentis par trop coupables, de manquer à vous mander des nouuelles de vostre bon pays, lesquelles sont tres-bōnes graces à Dieu. Nous y sōmes arriuez heureusement apres auoir flotté 4. ou 5. mois sur la Mer. Au reste nous auōs esté receus honorablement des Indiens, ie dis honorablement selon leur rusticité, mais il n'importe en



quellemaniere que ce puisse estre pourueu qu'ils rendent le tesmoignage de leur bien veillâce, ce qu'ils ont faict, & font encores tous les iours, nous amenans leurs enfans pour les instruire, ce que nous esperons de bien faire avec l'ayde de Dieu, Au retour de monsieur de Rasilly qui sera dans deux ou trois mois nous vous pourrons mandet le nombre des conuertis, & de ceux qui sont nouvellement baptisez. Quant est du pays, il est fort bon, & espere-on d'en tirer force pe-tun, & force roucou, Il s'y trouue des maintenāt force sucre, de fort belles pierres, & de l'ambre gris, & tient-on qu'à vingt lieuës d'icy il y a vne mine d'or. N'estoit la trop grāde haste que nous auons, nous vous en manderions d'auantage, mais estans trop pressez nous ne la vous ferons plus longue. Vous baisant tres humblement les mains, nous recommandant à Madame vostre femme, & sommes à vous, & à elle.

Vos tres-humbles seruiteurs en nostre  
Seigneur Frere Claude d'Abbeuille,  
Frere Arsene de Paris.

De l'Isle de Maraguonce 20. Aoust, 1612.


F I N.



2

23







c

EA613  
C615aP











